

## Inleiding

Firmicus Maternus probeert mythologische verhalen te ontmythologiseren. In deze tekst wordt de heimelijke aanslag van Juno beschreven om wraak te nemen op Jupiter vanwege zijn onwettige zoon Liber.

## Tekst

Liber itaque Iovis fuit filius, regis scilicet Cretici. Hic cum fuisset adultera matre progenitus, nutriebatur apud patrem studiosius quam decebat. Uxor Iovis, cui Iunoni fuit nomen, novercalis animi furore commota ad necem infantis omnifariam parabat insidias. Proficiscens peregre pater, quia indignationes tacitas sciebat uxoris 5 ne quid ab irata muliere dolo fieret, idoneis sicut sibi videbatur custodibus tutelam creditit filii. Tunc Iuno opportunum insidiarum nancta tempus et ex hoc fortius inflammata, quia proficiscens pater et sellam regni puerō tradiderat et sceptrum, custodes primum regalibus praemiis muneribusque corrupit, deinde satellites suos, 10 qui Titanes vocabantur, in interioribus regiae locat partibus, et crepundiis ac speculo ad fabre facto animos ita pueriles inlexit, ut desertis regiis sedibus ad insidiarum locum puerilis animi desiderio duceretur. Illic interceptus trucidatur et ut nullum possit necis inveniri vestigium particulatim membra concisa satellitum sibi dividit turba. Tunc ut huic facinori aliud facinus adderetur, quia vehementer tyranni 15 crudelitas timebatur, decocta variis generibus pueri membra consumunt, ut humani cadaveris inauditis usque in illum diem epulis vescerentur. Cor divisum sibi soror servat (cui Minerva fuit nomen), quia et ipsa sceleris fuit particeps, et ut manifestum delationis esset indicium, et ut haberet unde furentis patris impetum mitigaret. Reverso Iovi filia ordinem facinoris exponit.

## **Aantekeningen**

3      omnifariam *adv.*      op allerlei manieren